

# Bájkkeavijssa NuorttaSálto

Sandra Nystø Ráhka (21) Divtasvuonas le akta vihtta ájrrasijs Sámedikke nuoraj-politihkalasj nammadusán(SNPN). Dálla vájnnot sán SNPN'a ávdás máhtudakminisstarav giehtadallat hægjos dilev gá sáme oahppamnævo vádnuni.

- Tjvttjan maññela gá máhttoláptim-06 álgaduváj de joarkkaskávlá vuojnnin sij ettjin ádá, ádámahtedum girjiit skávláálgguj oattjo. De ruojav dahkin gá fáhkagirje ettjin boade muhtem máno nalluj. Ja dan birra mán imálsjáv, gá mij lip oahppamgirij dagá læhkám 11 jage, valla e dan birra nav tjavgga tjuorvo ja vuojnnet dáhkkiid dav. 97 reforma baktu oattjoima individuálasj riektáv áhpadussaj sámegeielav ja sámegeielav, valla ájtu lip vargga dássju tækstatjáhkijit adnám ja ij oahppamgirijit, javllá, suv mielas le muddo láhkarievddamij vaj formálasj miere sadjásis báhti.

Sandra lij sijáj gaskan gudi vuostatjin oadtjun oasev sáme mánájgárdes Ájluovtan, ja le adnám tjálasj ja njálmálasj gielav bajássjaddamin, skávlán ja aj sijdan. Juska de vuojnná njálmálasj giella maññun.

- Mán ja iektjána muv álldarin vuojnnet vierttip ienep ávdásstádusáv válldet njálmálasj julevsámegeielav várajváldatijit, javllá sán. Sandra le dudálasj konferánsajin mij tjadáduváj Árranin dá vahko.

- Konferánsa oadtju mijáv tjalmostahtátjit ja diedulattjan sjaddet dán birra majt ihkap dábdá, valla ep nagá giehtadallat. Riek buorre le gá moadda oahppe li konferánsaj li boahám, javllá sán. Konferánsa duogásj le jur njálmálasj giela dile tjalmostahttem, ja sámmi báttá oajvvadusájt buktet gáktu dilev buoredit.

Inga Karlsen (74) gullu ietjá buolvvaj gá Sandra ja le mielos oassalástájt njálmálasj giela máhtudagá oabllomij.

- Giellalávvgom soajttá viehket. Ávdála ásaduvvin sáme mánájleja gánná ij lim loahpe dárustit, ja dat riek buoragit dájmaj, javllá kultuvrraguodde Inga.

- Gá mán huomahav dálusj bágov majt iv

## Nuora vierttiji ienep ávdásstádusáv válldet njálmálasj gielas

Tæksta:  
Kitty Skapalen

Járggálibme:  
Divte Media AS



**Inga Karlsen (74) ja Sandra Nystø Ráhka (21).** Aktan njálmálasj giellaj buorren. Goappátja libá berustiddje goabbák buolvan ja goappátjijn le vijdes máhtudahka ja átsádallama. Dálla vierttiji dássju gávnna aktisaj sajijt gánná ulmutja ja giella máhtti nubbe nuppev boandodit.

**Inga Karlsen (74) og Sandra Nystø Ráhka (21).** Sammen om det muntlige språket. De er begge engasjerte i hver sin generasjon og har stor kunnskap og erfaring. Nå gjenstår det å finne felles arenaer hvor folk og språk kan berike hverandre.

la adnám maññemus ájgijn, de dav páhppárii tjáláv. Dasi Sandra lijkku. – Mij nuora ham álu bágojt áhtsálip ma máhtti gávvidit majt ájggop ávdánbuktet, valla álu ep riektá bágov gávna. Ja diehtep bágo li ham ávdála gávnum, javllá sán. Tækstatjoahkke ma uddni skávlájn aneduvvi boasto signálajt oahppijda vaddi, miejnni Sandra. –Dievalasj girje ja luovas árkaj gaskan le stuorra sieradus. Diedon dábdá dav ábdásin gá vierttip kopijit agev adnet, javllá sán. Ja sán guorras iektjádij konferánsan gudi javlli ájnas le

aktak ælla giellapolitija.

- Vierttip aktisaj dájdusáv adnet ij le loahpe nubbe nuppev delbastit, javllá Inga.

Sandra mielas le konferánsa mávtástuhtte, ja sán sihtá gávnnat konkrehtalasj dájmajt ma máhtti dilev buoredit. – Le buorre gá konferánsa ij le ilá politihkalasj, miejnni sán. Álu le politihkalasj sisadno ilá láptos stuorra visjavnáj ja guhkesájggásasj plánaj, valla konkrehta dájma hæhttuji dalánagi doajmmaj biejaduvvat. – Máhtti liehket duola dagu stipænndaárniga, ja duola dagu

járggálit dáro oahppamgirij sámegeielav. Vuojnnet gássjel sjaddá ádá oahppamgirijit sámegeielav tjállet, sierraláhkáj gá e gávnu ulmutja dasi.

*Gáktu de ájmmudip dajt sajijt gánná galggap gielav adnet vájku man vuorrasa lip?*

- Mij nuora vierttip ienep ávdásstádusáv válldet. Nav gáktu le uddni de álu dárogeielav málsop gá diehtep dána li nágina gudi sámegeielav e dájdada. Valla galgajma sámástit ienebuv vaj sij oadtju máhttelisvuodav ienebuv oahppat, javllá Sandra. Ja gávnu vilá ballo ulmuttij lunna vaj e duosta sámástit gá diehti e állu buoragit sámasta.

- Vierttip mannat dássta baddjet ja vuolus, vuoset Inga Karlsen, ja gægga dáhkko guolbbáj. – Vierttip bæjválasj gielav tjalmostit, miejnni sán. Iesj sán áhpaj ietjas iednegeielav tjállet esski 40-50 jage vuorrasin. – Mijájn vuorrasijn le njálmálasj giella, valla vájllup politihkalasj oasev, javllá sán. – Valla dat la mijájn, májut Sandra. Ja dat le ihkap jur dat mij le gievrrudahka, viehkedit ja dievadit nubbe nuppe máhtudagáv. Ja sihke Inga 74 jage ja Sandra 21 jage goappátja guorrasibá vierttip gáhtjadit – ávdál álles buolva máhtudahka gáhtu.

